

Evening Dogri (NSD) Bulletin 30-03-2024

आकाशवाणी

खास खबरां ..

- 1 राष्ट्रपति द्रौपदी मुर्मू होरें साबका प्रधानमंत्रीं पी.वी.नरसिम्हा राव ते चौधरी चरण सिंह हुंदे इलावा कर्पूरी ठाकुर ते डॉ. एम.एस.स्वामीनाथन होरें गी अज्ज मरणोपरांत भारत रत्न कन्नै सम्मानत कीता।
- 2 प्रधानमंत्री नरेन्द्र मोदी होरें अज्ज भारत रत्न कन्नै सम्मानत होने आलिं हस्तिं दे योगदान गी चेता करदे होई सराहना कीती।
- 3 भारत दे विदेश मुद्रा भंडार च 140 मिलियन डॉलरें दा बाद्धा दर्ज कीता गेआ ऐ।
- 4 मौसम विभाग नै पूर्वोत्तर भारत च गर्जी-चमकियै बरखा ते झक्खड़ तूफान दी पेशगोई कीती ऐ।
- 5 केन्द्री मंत्री नितिन गडकरी होरें अज्ज मध्य नागपुर च इक बड्डा रोड शो कीता।
- 6 विरोधी धड़ें दा INDI गठबंधन कल दिल्ली च लोकतंत्र बचाओ रैली दा सरिस्ता करने जा'रदा ऐ।

<><><><><><>

Bharat Ratan

राष्ट्रपति द्रौपदी मुर्मू होरें नमीं दिल्ली च राष्ट्रपति भवन च 2024 आले भारत रत्न पुरस्कार दित्ते। साबका प्रधानमंत्री चौधरी चरण सिंह ते पी.वी.नरसिम्हा राव, बिहार दे साबका मुख्यमंत्री कर्पूरी ठाकुर ते महान वैज्ञानिक एम.एस.स्वामीनाथन होरें गी मरणोपरांत भारत रत्न पुरस्कार दित्ता गेआ। राष्ट्रपति होर कल नमीं दिल्ली च साबका उप-प्रधानमंत्री ते बीजेपी दे नेता एल.के.आडवाणी होरें गी

सर्वोच्च नागरिक सम्मान प्रधान करगंन। अज्ज बडलै अलंकरण समारोह दरान पुरस्कार जेत्तुएं दे नेडमें रिश्तेदारें एह पुरस्कार हासल कीते। उपराष्ट्रपति जगदीप धनखड़, प्रधानमंत्री नरेन्द्र मोदी, केन्द्रीय गृह मंत्री अमित शाह, कांग्रेस अध्यक्ष मल्लिकार्जुन खड़गे, विदेश मंत्री डॉ. एस.जयशंकर, बिहार दे मुख्मन्त्री नितिश कुमार ते होरने मन्नी-परम्मनी दी हस्तियां उत्थें मजूद हे।

<><><><><><>

PM-Bharat Rattan

प्रधानमंत्री नरेन्द्र मोदी होरें राष्ट्रपति द्रौपदी मुर्मू हुंदे आस्सेआ भारत रत्न पुरस्कार सम्मानत जेत्तुएं दे दित्ते दे योगदान गी चेता कीता ते साबका प्रधानमंत्री पी.वी.नरसिम्हा राय, चरण सिंह ते होरनें गी श्रद्धांजलि दित्ती। उनें आक्खेआ जे पी.वी.नरसिम्हा राव होरें जेहड़ा किश बी राष्ट्र लेई कीता, ओह हर भारतीय नै संजोए दा ऐ ते एह मानै आली गल्ल ऐ जे उनेंगी भारत रत्न पुरस्कार दित्ता गेआ। उनें आक्खेआ जेच रण सिंह होरें गी भारत रत्न, उंदा भारत दे विकास, खास करियै राई-बाई, ते ग्रामीण विकास ताई उंदे दित्ते दे योगदान गी मानता देना ऐ।

<><><><><><>

India Foreign Exchange

22 मार्च गी हफते दे खीरे दरान भारती विदेशी मुद्रा भंडार 140 मीलियन डॉलर बधियै हुनै तोड़ी दे उच्चतम स्तर 642.631 बिलियन डॉलर तोड़ी पुज्जी गेआ। भारती रिजर्व नै जानकारी जारी करदे होई आक्खेआ जे एह पूरे पराते भंडार च बढ़ोतरी दा लगातार 5मां हफता ऐ। पिछले हफते भंडार च 6.396 डॉलर थमां 842.492 बिलियन डॉलर दा बाद्धा होआ ऐ। हफते दरान सुन्ने दे भंडार च 347 मीलियन डॉलर थमां 51.487 बिलियन डॉलर दा बाद्धा होआ ऐ। विदेशी मुद्रा संपत्ति पूरे पराते भंडार दा इक बड्डा हिस्सा ऐ। जेहड़ा जे 123 मिलियन डॉलर

थमां 568.264 बिलियन डॉलर घट्ट होआ ऐ। विदेशी मुद्रा परिसंपत्ति च गैर अमरीकी इकाइएं दी मुल्य घट्ट करने जां नेई करने दे असर ताई जियां जे यूरो, पाउंड ते यैन गी विदेशी मुद्रा भंडार च रक्खेआ गेआ ऐ।

<><><><><><>

Assam CM

असम दे मुख्मन्त्री हिंमता बिस्वा सर्मा होरें घोषणा कीती ऐ जे असर सरकार लोकसभा चुनां दे बाद समान नागरिक संहिता यूसीसी गी लागू करोग। गोवाहाटी च संवाददाताएं कन्नै गल्लबात दरान उनें आक्खेआ जे सरकार राज्य च इक कोला मते ब्याहृ जानी बहु-बिवाह आले चलन गी रोकने लेई लोडचदियां गैई पुट्टा'रदी ऐ। उनें आक्खेआ जे असम च राश्ट्रीय जनतात्रिम गठबंधन एनडीए दा प्रदर्शन लोकसभा चुनाएं च शैल रौहग।

<><><><><><>

Sheikh Shahyahan

पच्छम बंगाल च ईडी बशीरहाट जेल च शेख शाहजहां कोला पुच्छ गिच्छ करै करदी ऐ। शेख शाहजहां गी सीबीआई नै गिरफ्तार कीता हा। निदेशालय मकामी लोकें दियां जिमियां खुस्सियै उत्थें तलाह बनाने ते मच्छियां पालने आले मामले च शाहजहां दी भूमका दी जांच करा करदा ऐ। शाहजहां नै इस कारोबार च खरा मता पैहा कमाया ऐ जिसी ओ बड्डे सियासत दानें गी उपलब्ध करांदा ते विदेशें च भेजदा हा।

<><><><><><>

Indian Navy

भारती नौसेना नै अरब सागर च 12 घैंटे तगर चले दे अभियान च 23 पाकिस्तानी बसनीकें गी सोमाली समुंद्री लुटेरें थमां बचाया ऐ। भारती नौसैनिक बलें अपनी

महारथ ते रणनीतिक तालमेल दा इस्तेमाल करदे होई समुंद्री डकैतें दे कन्नै गल्लबात शुरू कीती ते बिजन खून-खराबे दे उनेंगी आत्म-समर्पण लेई मजबूर करी दित्ता। एह कामयाब अभियान समुंद्री डकैती दी घटनाएं कन्ने निबडने ते इलाके च समुंद्री गतिविधिएं दी सुरक्षा जकीनी बनाने च भारती नौसेना दी निर्णायक जित्त दा प्रतीक ऐ। ईरान दे जहाज "अलकंबर 786" दे 28 मार्च गी अगवाह होने दी जानकारी थोने पर समुंद्री च सुरक्षा अभियानें लेई तैनात नौसेना दे दऊं भारती जहाजें-आईएनएस सुमेधा ते आईएनसी त्रिशूल गी इसी छुड़ाने आस्तै भेजेआ गेआ हा।

<><><><><><>

IMD

भारती मौसम विभाग नै अज्जै थमां पूर्वोत्तर भारत दे इलाकें च तेज बरखा ते गरज-चमक कन्नै बरखा बरने दी पेशगोई कीती ऐ। मौसम विभाग नै उत्तर-पच्छमी भारत दे हिस्सें च कल्लै तोड़ी हौली थमां दरम्याने दर्जे दी बरखा ते हिमालयन खित्ते च कुतै-कुतै बड़ी भारी बरखा दे बी असार जताए न। विभाग मुजब अज्ज जम्मू कश्मीर, लद्दाख, गिलगित, मुजफ्फराबाद, हिमाचल प्रदेश ते उत्तराखंड च केई थाहरें पर भारी बरखा ते बर्फबारी दे बी असार न। मौसम विभाग नै इब्बी आखेआ ऐ जे अरुणाचल प्रदेश, असम ते मेघालय च बी कुतै-कुतै भारी बरखा ते बर्फबारी होई सकदी ऐ। एहदे अलावा ओडीशा, पच्छिम बंगाल दे किश हिस्सें, झारखंड ते बिहार च कुतै-कुतै हौली थमां दरम्याने दर्जे दी बरखा दी पेशगोई कीती गेई ऐ।

<><><><><><>

Gadkari Road Show

केन्द्री मंत्री ते नागपुर संसदीय हल्के िमां बीजेपी दे मेदवार नितिन गडकरी होरें अज्ज मध्य नागपुर च रोड शो कीता। बीजेपी कार्जकर्ताएं बड़ी बद्ध गिनतरी च

इस रोड शो च हिस्सा लैता ते गडकरी हुंदे लेई अपना समर्थन प्रगट कीता। गडकरी होर नागपुर सीट थमां त्री बारी लोकसभा चुनां लडै करदे न। इस सीट पर लोकसभा चुनां दे पैहले गेड़ तैहत् 19 अप्रैल गी वोट पाए जाने न। नागपुर थमां दऊं बारी जित्ती चुके दे गडकरी हुंदा मकाबला कांग्रेस दे विकास ठाकरे हुंदे कन्नै ऐ जेहड़े इसलै पच्छमी नागपुर सीट थमां विधायक ते नागपुर जिले कांग्रेस दे अध्यक्ष बी ऐन।

<><><><><><>

INDI-Rally

विरोधी घड़ें दे गठबंधन INDI अलायांस दी कल नमीं दिल्ली दे रामलीला मैदान च लोकतंत्र बचाओ रैली होग। इस रैली च कांग्रेस, राष्ट्रवादी कांग्रेस पार्टी, शिवसेना—उद्धव ठाकरे, समाजवादी पार्टी, आम आदमी पार्टी, राष्ट्रीय जनता दल, द्रविड़ मुमेत्रकड़गम, नैशनल कांफ्रेंस, झारखंड मुक्ति मोर्चा वामपंथी घड़ें ते होरने पार्टिएं दे प्रमुख नेता हिस्सा लैगन। कांग्रेस नेता जयराम रमेश होरें इस प्रस्तावित रैली दे बारे जानकारी दिंदे होई आकखेआ जे बधदी मैहगाई, बेरोजगारी, आर्थिक ना बरोबरी, जनेए प्रमुख मुद्दें गी रैली च पुट्टेआ जाग।

<><><><><><>

President Iaster

राष्ट्रपति द्रौपदी मुर्मू होरें ईस्टर दी पूर्व—संजा देशवासिएं गी शुभकामना दित्तियां न। इस सनेए च उनें आकखेआ जे प्रभु यीशु मसीह हुंदे परतियै जिंदा होने दे चेते च मनाया जाने आला एह ध्यार हिर्ख—प्यार, दया ते हमदर्दी दा प्रतीक ऐ। उनें आकखेआ जे ईस्टर त्याग ते छमा करने दा संदेश दिंदा ऐ। राष्ट्रपति होरें आकखेआ जे यीशु मसीह हुंदे संदेश असेंगी शांति ते सौहार्द दी बत्त दस्सदे न।

<><><><><><>

BJP-Jugal

जम्मू-रियासी सीट लेई बीजेपी दे मेदवार जुगल किशोर शर्मा होर अज्ज नामांकन दाखल कीता। केन्द्री मंत्री अनुराग सिंह ठाकुर ते प्रदेश बीजेपी दे होर दुए नेता बी इस मौके उत्थें मजूद हे। जुगल किशोर शर्मा होरें अपनी नामजदगी आले कागज दाखल करने शा पैहले इंदिरा चौक थमां लेइयै डी.सी.दफतरै तोड़ी इक बड्डी रैली बी कड्डी। नामांकन दाखल करने परैत शर्मा होरें शहीदी चौक च स्कूली परिसर दे नेडे बी इक रैली कीती।

<><><><><><>

Lajja Manhas

मन्नी-परमन्नी दिएं डोगरी समाचार वाचक लज्जा मन्हास हुंदा जंदी रातीं काल होई गेआ। ओह सन् 1971 च आकाशवाणी जम्मू च नियुक्त होने आले सब्बनें शा पैहले समाचार वाचकें चा इक हियां ते ओह तकरीबन 4 दहाकें तगर डोगरी खबरें लेई इक लोकप्रिय आवाज बनी दियां रेहियां। अज्ज उंदा खीरी संस्कार करी दित्ता गेआ। बरे 2021 च क्षेत्रीय समाचार एकांश जम्मू दे गोल्डन जुबली कार्यक्रम दरान श्रीमती लज्जा मन्हास होरें अपने बचार सांझे कीते हे। आकाशवाणी कन्नै जुड़ी दिएं केई शख्सियतें ते होरनें लोकें बी लज्जा मन्हास हुंदा काल होई जाने पर दुक्ख ते बसोस जताया ऐ।

<><><><><><>

Search Rajouri

बन्ने आले जिले राजौरी दे इक अगेत्रे इलाके च संदिग्ध नकलो-हरकत दियां रिपोर्टां थोने परैत सुरक्षाबलें आस्सेआ इलाके च व्यापक तपाशी अभियान चलाया गेआ। अधिकारिएं मूजब फौज ते जम्मू कश्मीर पुलस आस्सेआ धर्मसाल इलाके दे बरेवी बाजीमाल ते छरंगल-काबुकोट च सांझे तौर पर तपाशी अभियान रम्मेआ

गेआ। हासल जानकारी मूजब बरेवी बाजीमाल च इक कुदरती गुफा दी तलाशी
दरान सुरक्षाबले किश राउंद बी दागे पर उत्थें किश बी बरामद नेई होआ।

<><><><><><>